

কমপিউটার জগতের খবর

আইসিটি রফতানি বাড়াতে বাংলাদেশ ব্যাংকের নতুন নীতি

আইসিটি খাতের রফতানিকারকেরা এখন থেকে সেবা রফতানির বিপরীতে পাওয়া অর্থের ৭০ শতাংশ পর্যন্ত এক্সপোর্টার্স রিটেনশন কোটা (ইআরকিউ) হিসেবে সংরক্ষণ করতে পারবেন। এতদিন আইসিটিসহ সব খাতের ইআরকিউ হিসেবে রফতানি আয়ের সর্বোচ্চ ৬০ শতাংশ অর্থ জমা করা যেত। সম্প্রতি কেন্দ্রীয় ব্যাংকের বৈদেশিক মুদ্রা নীতি বিভাগ থেকে এ নির্দেশনা দিয়ে একটি সার্কুলার বিদেশি মুদ্রা লেনদেনে নিয়োজিত ব্যাংকগুলোকে পাঠানো হয়েছে। আইসিটি খাতের সেবা রফতানি বাড়াতে এই উদ্যোগ নিয়েছে বাংলাদেশ ব্যাংক। ইআরকিউ হিসেবে রাখা অর্থের বিপরীতে রফতানিকারক প্রতিষ্ঠানগুলো কাঁচামাল ও মূলধনী যন্ত্রপাতি আমদানি, বিদেশে অবস্থিত লিয়াজোঁ অফিস রক্ষণাবেক্ষণ খরচ মেটানোসহ বিভিন্ন কাজে খরচ করতে পারে। এতে বাজার থেকে ডলার কিনতে বাড়তি খরচ হয় না। আইসিটি খাতের সেবা রফতানি বাড়াতে ইআরকিউ হিসেবে অর্থ সংরক্ষণের হার বাড়ানোর পাশাপাশি কিছু শর্ত



শিথিল করেছে বাংলাদেশ ব্যাংক। অন্য এক সার্কুলারের মাধ্যমে আইসিটি সেবা রফতানির ক্ষেত্রে দেশের বাইরে বিভিন্ন খরচ মেটাতে অর্থ নেয়ার যে সীমা ছিল, তা বাড়ানো হয়েছে। এতদিন একজন রফতানিকারক বছরে সর্বোচ্চ ২৫ হাজার ডলার দেশের বাইরে নিতে পারতেন। এখন তা বাড়িয়ে ৩০ হাজার ডলার করা হয়েছে। অন্য একটি সার্কুলারে সেবা রফতানির ক্ষেত্রে 'ফরম সি'তে ঘোষণার বিধান সহজীকরণ করা হয়েছে। এ ফরমে রফতানিকারকেরা কোন খাতে কী রফতানি করছেন, সে বিষয়ে সুস্পষ্ট ঘোষণা দিয়ে থাকে।

একই বিভাগ থেকে জারি করা আরেক সার্কুলারের মাধ্যমে সফটওয়্যার ডেভেলপার বা ফ্রিল্যান্সারদের আন্তর্জাতিক ভার্সিয়াল কার্ডের বিষয়ে স্পষ্টীকরণ করা হয়েছে। ২০১৪ সালে জারি করা এক সার্কুলারে ফ্রিল্যান্সারদের জন্য ৩০০ ডলারের ভার্সিয়াল কার্ড ইস্যুর সুযোগ দেয়া হয়। তবে ওই কার্ড কী নামে অভিহিত হবে, তা স্পষ্ট না হওয়ায় ব্যাংকগুলোতে বিভ্রান্তি ছিল। এই কার্ড ডেবিট, ক্রেডিট বা

রাষ্ট্রায়ত্ত্ব ব্যাংকের আধুনিকায়ন হবে নিজের টাকায় : প্রধানমন্ত্রী

সোনালী, রূপালী, অগ্রণী, জনতা ব্যাংকসহ রাষ্ট্রায়ত্ত্ব ১১ ব্যাংকের আধুনিকায়নে বিশ্বব্যাংক থেকে টাকা নেয়ার উদ্যোগে উদ্ভা প্রকাশ করে প্রধানমন্ত্রী শেখ হাসিনা সাফ জানিয়ে দিয়েছেন—রাষ্ট্রায়ত্ত্ব ব্যাংকের উন্নয়ন হবে নিজস্ব টাকায়, বহুজাতিক সংস্থা বিশ্বব্যাংকের টাকায় নয়। তিনি বলেন, ব্যাংক একটি সংবেদনশীল জায়গা। এখানে নিরাপত্তার বিষয়টি জড়িত। ব্যাংকের নিরাপত্তার দিক বিবেচনা করে বিশ্বব্যাংক থেকে টাকা নেয়া উচিত হবে না। বিশ্বব্যাংক যে টাকা ব্যাংকের উন্নয়নে দেয়ার কথা, সে টাকা শিক্ষা খাতে স্থানান্তরের ব্যবস্থা করতে অর্থনৈতিক সম্পর্ক বিভাগকে (ইআরডি) নির্দেশ দিয়েছেন প্রধানমন্ত্রী। গত ৪ এপ্রিল জাতীয় অর্থনৈতিক পরিষদের নির্বাহী কমিটির সভায় (একনেক) প্রধানমন্ত্রী শেখ হাসিনা



এসব নির্দেশনা দেন। সূত্র জানায়, হ্যাকিংয়ের মাধ্যমে বাংলাদেশ ব্যাংকের রিজার্ভ থেকে ১০ কোটি ডলার চুরি, রাষ্ট্রায়ত্ত্ব সোনালী ব্যাংকের ওয়েবসাইট হ্যাকিংসহ সাম্প্রতিক সময়ে ব্যাংকিং খাতে নানা ধরনের ঋণ জালিয়াতির ঘটনায় ভাবিয়ে তুলেছে অর্থ মন্ত্রণালয়ের কর্মকর্তাদের। সোনালী ব্যাংকের হলমার্ক কেলেঙ্কারি, বিসমিল্লাহ গ্রুপের ঋণ জালিয়াতিতে বিব্রতকর অবস্থার মধ্যে পড়তে হয়েছে সরকারকে। রাষ্ট্রায়ত্ত্ব ব্যাংকগুলোতে অনিয়ম ও ঋণ জালিয়াতি বন্ধে প্রকল্পটি হাতে নিয়েছিল ব্যাংক ও আর্থিক প্রতিষ্ঠান বিভাগ। এই প্রকল্পের আওতায় সোনালী ব্যাংক, জনতা ব্যাংক, অগ্রণী ব্যাংক, রূপালী ব্যাংক, কৃষি ব্যাংক, রাজশাহী কৃষি উন্নয়ন ব্যাংক, আনসার ভিডিপি ব্যাংক, বাংলাদেশ কমার্স ব্যাংক, বাংলাদেশ ডেভেলপমেন্ট ব্যাংক, বেসিক ব্যাংক ও কর্মসংস্থান ব্যাংক এই ১১ ব্যাংকে ৬০৮ কোটি টাকা ব্যয়ে অটোমেশন ও সাইবার সিকিউরিটির জন্য প্রয়োজনীয় তথ্যপ্রযুক্তি কেনার কথা রয়েছে। এ ছাড়া ১১ ব্যাংকে অটোমেশন ও সাইবার সিকিউরিটির জন্য সফটওয়্যার কেনার কথা রয়েছে ৫০০ কোটি টাকার। ১১ ব্যাংকের নির্বাচিত কর্মকর্তা ও আইটিতে মোট ৩৫ হাজার কর্মকর্তাকে প্রশিক্ষণ দেয়ার পরিকল্পনা রয়েছে। তাতে খরচ ধরা হয়েছে ১০৬ কোটি টাকা। অবশ্য এখন নিজস্ব অর্থায়নে এসব কার্যক্রম বাস্তবায়ন করতে হবে

২০১৮ সালে আরও ৩০ হাজার নারী উদ্যোক্তা গড়ে তোলা হবে : পলক

'প্রধানমন্ত্রী শেখ হাসিনা নারীর ক্ষমতায়ন ও জীবনের সব ক্ষেত্রে তথ্যপ্রযুক্তির ব্যবহারের লক্ষ্যে কাজ করে চলেছেন। টেকসই উন্নয়ন লক্ষ্যমাত্রা অর্জনে আমাদের অঙ্গীকার পুনর্ব্যক্ত করছি। এই ওয়াইফাই উদ্যোগের মাধ্যমে আগামী ২০১৮ সালের মধ্যে আরও ৩০ হাজারেরও বেশি নারী উদ্যোক্তা গড়ে তুলতে পারব।' আইসিটি প্রতিমন্ত্রী জুনাইদ আহমেদ পলক এ কথা জানান। সম্প্রতি বাংলাদেশ কমপিউটার কাউন্সিলের অডিটোরিয়ামে নারী দিবস উপলক্ষে আয়োজিত উইমেন অ্যান্ড আইসিটি ফ্রন্টিয়ার ইনিশিয়েটিভের (ওয়াইফাই) প্রি-লঞ্চিং অনুষ্ঠানে প্রতিমন্ত্রী পলক আরও বলেন, ইতোমধ্যে ইউনিয়ন পর্যায়ে ২০ হাজার নারীকে ফ্রিল্যান্সিং প্রশিক্ষণ দেয়া হয়েছে। এ ছাড়া জেলা ও উপজেলা পর্যায়ে উচ্চতর পর্যায়ের ফ্রিল্যান্সিং প্রশিক্ষণ কার্যক্রম চলমান রয়েছে, আগামী তিন বছরে প্রত্যন্ত অঞ্চলে ২ লাখ ৬০ হাজার নারীকে টেকসই নারী উন্নয়নে প্রশিক্ষণ দিতে মোবাইল ট্রেনিং বাস চালু করা হয়েছে এবং ন্যাশনাল হাই স্কুল প্রোগ্রামিং

মে মাসে শেষ হচ্ছে শেখ হাসিনা সফটওয়্যার পার্কের কাজ : পলক

জ্ঞানভিত্তিক অর্থনীতি গড়ে তুলতে সরকার সারাদেশে আইটি পার্ক নির্মাণ করছে বলে মত দিয়েছেন আইসিটি প্রতিমন্ত্রী জুনাইদ আহমেদ পলক।



তিনি বলেছেন, বর্তমানে যশোরে শেখ হাসিনা সফটওয়্যার টেকনোলজি পার্ক ছাড়াও সারাদেশে ২৮টি আইটি পার্ক ও সাতটি শেখ কামাল আইটি ট্রেনিং অ্যান্ড ইনকিউবেশন সেন্টার নির্মাণের কাজ চলছে। মূলত আইসিটি খাত থেকে ৫ বিলিয়ন মার্কিন ডলার আয়ের লক্ষ্যমাত্রা নিয়ে কাজ করছে সরকার। গত ১৯ মার্চ বিকেলে যশোর শেখ হাসিনা সফটওয়্যার টেকনোলজি পার্ক প্রকল্পের অগ্রগতি পর্যালোচনা সভায় তিনি এসব কথা বলেন। পলক বলেন, প্রধানমন্ত্রীর ঘোষণা অনুযায়ী যশোরে ৩০৫ কোটি টাকা ব্যয়ে ১২ একর ১৩ শতাংশ জমির ওপর আন্তর্জাতিক মানের শেখ হাসিনা সফটওয়্যার টেকনোলজি পার্কের কাজ শেষ পর্যায়ে। আড়াই বছর আগে শুরু হওয়া প্রকল্পটি আগামী ৩০ মের

গেমারদের নিয়ে কাজ করবে আইটিবাজার ও গিগাবাইট

দেশের গেমিং ইন্ডাস্ট্রি ও দেশীয় গেমারদের নিয়ে একসাথে কাজ করতে ই-কমার্স প্রতিষ্ঠান আইটিবাজার ও বিশ্বের শীর্ষস্থানীয় গেমিং হার্ডওয়্যার নির্মাতা প্রতিষ্ঠান গিগাবাইটের মধ্যে এক চুক্তি স্বাক্ষর হয়। সম্প্রতি রাজধানীর কারওয়ান বাজারে সফটওয়্যার টেকনোলজি পার্কে এ চুক্তি স্বাক্ষর হয়। নিজ নিজ প্রতিষ্ঠানের পক্ষে চুক্তিতে সই করেন আইটিবাজার ডটকম ডটবিডির প্রতিষ্ঠাতা মফিজুর রহমান টিপু ও গিগাবাইটের দক্ষিণ এশিয়ার সহকারী ম্যানেজার অ্যালান সু। চুক্তি স্বাক্ষর অনুষ্ঠানে অ্যালান সু বলেন, এ দেশের তরুণ-তরুণীরা যথেষ্ট মেধাবী ও কঠোর পরিশ্রমী। তারুণ্যের এই শক্তিকে কাজে লাগিয়ে এ দেশের গেমিং ইন্ডাস্ট্রির উন্নয়নে সব ধরনের সহযোগিতা করবে



গিগাবাইট।

আইটিবাজার ডটকম ডটবিডির প্রতিষ্ঠাতা মফিজুর রহমান টিপু বলেন, আইটিবাজার একটি ই-কমার্স প্ল্যাটফর্ম হলেও আমরা সব সময় নিত্যনতুন আইডিয়া নিয়ে কাজ করি। গত বছর ডিজিটাল ওয়ার্ল্ড-২০১৬তে আমরা গেমিং কনটেন্ট আয়োজন করেছিলাম। সেই ধারাবাহিকতায় আগামীতেও আমাদের লোকাল গেম ও গেম ডেভেলপারদের নিয়ে কাজ করব। অনুষ্ঠানে ই-কমার্স অ্যাসোসিয়েশন অব বাংলাদেশের (ই-ক্যাব) সভাপতি রাজিব আহমেদ বলেন, বাংলাদেশের গেমিং ইন্ডাস্ট্রি ছোট। এটাকে বাড়াতে হবে। চুক্তি স্বাক্ষর অনুষ্ঠানে আরও বক্তব্য রাখেন স্মার্ট টেকনোলজি বাংলাদেশ লিমিটেডের পরিচালক জাফর আহমেদ, গিগাবাইটের বাংলাদেশের কান্ট্রি ম্যানেজার খাজা মো: আনাস খান, বেসিসের সিনিয়র ভাইস প্রেসিডেন্ট রাসেল টি আহমেদ, আইটিবাজার ডটকম ডটবিডির সহ-প্রতিষ্ঠাতা

প্রত্যন্ত অঞ্চলেও যাচ্ছে অনলাইন কেনাকাটার সুযোগ

প্রত্যন্ত অঞ্চলে ই-কমার্স সেবা ছড়িয়ে দিতে 'অ্যাসিস্টেড ই-কমার্স' মডেল নিয়ে কাজ শুরু করেছে অনলাইন মার্কেটপ্লেস 'আজকের ডিল ডটকম' ও রিটেইল সেবাদাতা প্রতিষ্ঠান 'পেওয়েল'। সম্প্রতি রাজধানীর বেসিস সম্মেলন কেন্দ্রে এক অনুষ্ঠানে যৌথভাবে ই-কমার্স সেবা বাড়ানোর ঘোষণা দেয়া হয়। অ্যাসিস্টেড ই-কমার্স মডেল ও এর এজেন্ট নেটওয়ার্ক তৈরির উদ্যোগ সম্প্রতি বেসিস সম্মেলন কেন্দ্রে আনুষ্ঠানিকভাবে উদ্বোধন করা হয়।

আজকের ডিলের চেয়ারম্যান ফাহিম মাসরুর বলেন, বিশাল সম্ভাবনা থাকা সত্ত্বেও ইন্টারনেট আর অনলাইন পেমেন্টের সমস্যার জন্য দেশে এখনও অনলাইন কেনাকাটা বেশিদূর এগোতে পারেনি। তিনি বলেন, অ্যাসিস্টেড ই-কমার্স নেটওয়ার্কের এজেন্টদের সহায়তায় এই সমস্যাগুলোর এক ধরনের সমাধান হবে। এই মডেল সফল হলে ঢাকার বাইরে থেকে অনেক বেশি মানুষ অনলাইনে অর্ডার দেবে

ই-কমার্স রিয়েল এস্টেট সাইট 'বিপ্রপার্টি ডটকম'

সম্প্রতি শুরু হলো যুক্তরাজ্যভিত্তিক ই-কমার্স রিয়েল এস্টেট সাইট 'বিপ্রপার্টি ডটকম'। রাজধানীর একটি হোটেলে এক প্রেস কনফারেন্সে বিপ্রপার্টি ডটকমের আনুষ্ঠানিক উদ্বোধন ঘোষণা করেন প্রতিষ্ঠানটির উর্ধ্বতন কর্মকর্তারা। এতে উপস্থিত ছিলেন প্রতিষ্ঠানটির হেড অব এইচ আর তাজরিন জিনিয়া, হেড অব অপারেশন রেজবিন আহসান ও মার্কেটিং ম্যানেজার মনজুর মোরশেদ। তাজরিন জিনিয়া বলেন, গত কয়েক বছর ধরেই আমরা বাংলাদেশে ই-কমার্সভিত্তিক কোম্পানিগুলোর পদচারণা লক্ষ্য করছি। বাংলাদেশে ই-কমার্সের মাধ্যমে আমরা এখন অনলাইনে খাবার অর্ডার করতে পারি, বাসের টিকেট কিনতে পারি, অনলাইনে জিনিসপত্র কিনতে পারি। জিনিয়া আরও জানান, ই-কমার্সের ক্ষেত্রে আমরা অনেক সেক্টরে এগিয়ে গেলেও রিয়েল এস্টেট সেক্টরে আমরা পিছিয়ে ছিলাম। একটি বিশ্বস্ত, বিশেষায়িত ও পরিপূর্ণ প্রপার্টি পোর্টাল আমাদের দেশে ছিল না। বিপ্রপার্টি ডটকম এই শূন্যস্থানটি পূরণ করতে চায়। এখন যেকোনো ই-কমার্সের বিপ্রপার্টি ডটকম (www.bpproperty.com) গিয়ে অথবা এর কাস্টমার কেয়ার সেন্টারে গিয়ে বাসা এবং কমার্শিয়াল স্পেস ভাড়া নিতে ও কিনতে পারবেন

এইচপি স্পেস্টর ১৩- ডি০১৭টিইউ নোটবুক



স্মার্ট টেকনোলজিস বাজারে এনেছে এইচপি স্পেস্টর ১৩-ডি০১৭টিইউ নোটবুক পিসি। ইন্টেল কোরআই৫ ৬২০০ইউ মডেলের প্রসেসর, উইন্ডোজ ১০ হোম, ৮ জিবি র‍্যাম, ২৫৬ জিবি সলিড স্টেট ড্রাইভ, ১৩.৩ ইঞ্চি ডায়াগোনাল হাই ডেফিনিশন পূর্ণাঙ্গ এইচডি এলইডি ডিসপ্লে। দুই বছরের বিক্রয়োত্তর

ওয়েবহক্স

লক্ষ্য এবার ইউরোপ জয়

বিশ্ব পরিমণ্ডলে দেশকে প্রমাণ করার ও অর্থনৈতিক উন্নয়নের সঙ্গী হওয়ার লক্ষ্যে যাত্রা শুরু করেছে প্রযুক্তি প্রতিষ্ঠান ওয়েবহক্স আইটি। বাংলাদেশভিত্তিক এই কোম্পানিটি যাত্রা শুরুর প্রথম বছরেই দেশের গণ্ডি পেরিয়ে পা বাড়িয়েছে জাপান, কানাডা, হংকং, জার্মানি, অস্ট্রেলিয়া, যুক্তরাষ্ট্র, থাইল্যান্ড, কম্বোডিয়া, লাওস, ফিলিপাইন ও মালয়েশিয়ায়। এক সংবাদ সম্মেলনে কোম্পানিটির প্রতিষ্ঠাতা ও প্রধান নির্বাহী কর্মকর্তা উপল মোহাম্মেদ ইউরোপে তাদের বাণিজ্য সম্প্রসারণের ঘোষণা দেন এবং একই সাথে জার্মানি সেলস অফিসের উদ্বোধন করেন।



অনুষ্ঠানে জার্মানি সেলস অফিসের রিপ্রেজেন্টেটিভ ডিরেক্টর রুডিগার পলস্টার, সিনিয়র উপদেষ্টা মারকো কোডার ও গ্লোবাল ডিরেক্টর প্রদীপ দাশ উপস্থিত ছিলেন। বাংলাদেশে আসার পর অনেক বেশি আশাবাদী মন্তব্য করে রুডিগার বলেন- সুখের বিষয় হচ্ছে, এই প্রতিষ্ঠানটি খুব দ্রুত এগিয়ে যাচ্ছে এবং এই দলের সাথে থাকতে পেরে আমি অত্যন্ত খুশি।

ওয়েবহক্সের সাথে কাজের সম্পৃক্ততা জানতে চাইলে রুডিগার বলেন, ওয়েবহক্সের প্রধান নির্বাহী উপল মোহাম্মেদের সাথে আমার পাঁচ মাস আগে পরিচয় হয়। তারপর আমরা একটি বিজনেস মডেল দাঁড় করানোর ব্যাপারে কাজ করি, যেটা জার্মানি অফিস সংস্থাপনের মাধ্যমে বাস্তবতায় রূপ নিতে যাচ্ছে। আমাদের বর্তমান 'ডিজিটাল কোলাবোরেশন বিজনেস সলিউশন'-এর মাধ্যমে আমরা যথাযথভাবে আমাদের সার্ভিসসমূহ বিশ্বব্যাপী ভোক্তাদের কাছে পৌঁছে দিচ্ছি। আমাদের নতুন সেলস অফিসটি দক্ষিণ জার্মানির উন্নয়নশীল শহর নুরেমবার্গে অবস্থিত। বর্তমানে অফিসটি আমি নিজেই দেখাশোনা করছি। আশা করি, আমাদের এই সার্বিক প্রচেষ্টা বাংলাদেশকে

লজিটেকের পরিবেশক হলো স্মার্ট টেকনোলজিস

রাজধানীর বিআইসিসিতে গত ১৪ মার্চ অনুষ্ঠিত হয় লজিটেক গ্র্যান্ড লঞ্চিং উইথ স্মার্ট টেকনোলজিস। জনপ্রিয় টিভি সিরিয়াল সুলতান সুলায়মানের আদলে সাজানো বর্ণিল এই অনুষ্ঠানে উপস্থিত ছিলেন লজিটেকের আসিয়ান ও ভারত অঞ্চলের ব্যবস্থাপনা পরিচালক মনিন্দর জেইন, বাংলাদেশের কান্ট্রি ম্যানেজার পার্থ ঘোষ, ক্লাস্টার ক্যাটাগরি হেড অশোক বাংগড়া, স্মার্ট টেকনোলজিস (বিডি) লিমিটেডের ব্যবস্থাপনা পরিচালক মোহাম্মদ জহিরুল ইসলাম, বিক্রয় বিপণন বিভাগের মহাব্যবস্থাপক মুজাহিদ আল বেরুনী সূজন, কর্পোরেট বিভাগের মহাব্যবস্থাপক হাসান ফাহিম, অর্থ বিভাগের মহাব্যবস্থাপক মো: জাকির



হোসেন প্রমুখ।

অনুষ্ঠানে লজিটেকের ব্যবস্থাপনা পরিচালক বলেন, স্মার্ট টেকনোলজিস (বিডি) লিমিটেডের সাথে যুক্ত হতে পেরে আমরা অত্যন্ত আনন্দিত। আমরা আশা করছি, স্মার্ট টেকনোলজিসের সাথে আমাদের ব্যবসায় অদূর ভবিষ্যতে উত্তরোত্তর বাড়বে।

স্মার্ট টেকনোলজিস (বিডি) লিমিটেডের ব্যবস্থাপনা পরিচালক মো: জহিরুল ইসলাম বলেন, স্মার্ট টেকনোলজিস সব সময়ই কাস্টমারদের হাতে গুণগত মানের পণ্য পৌঁছে দিতে চায়। এরই ধারাবাহিকতায় স্মার্ট টেকনোলজিসের পণ্যের বুড়িতে এখন থেকে সুইজারল্যান্ডের বিশ্বখ্যাত ব্র্যান্ড লজিটেক যুক্ত হলো। আমরা আশা করছি, বাংলাদেশে গুণগত মান-প্রত্যাশী বিশ্বসেরা অ্যাক্সেসরিজ পণ্যের চাহিদা পূরণে সক্ষম হবে লজিটেক ও স্মার্ট টেকনোলজিস।

দেশে আসুক আন্ড্রাবুক সিরিজের জেনবুক

‘সবার জন্য জেনবুক’ ক্যাম্পেইনের মাধ্যমে দেশে আন্ড্রাবুক সিরিজের জেনবুক এনেছে গ্লোবাল ব্র্যান্ড (গ্রা.) লিমিটেড। গত ৩ এপ্রিল রাজধানীর বাংলামোটরে বিআইজেএফ সম্মেলন কক্ষে জেনবুকটির উন্মোচনে সংবাদ সম্মেলন করে প্রতিষ্ঠানটি। সংবাদ সম্মেলনে জেনবুকের এক্স৪১০ মডেলটির



বিস্তারিত জানান আসুসের পণ্য ব্যবস্থাপক আশিকুজ্জামান। তিনি বলেন, বিশ্বব্যাপী হালকা গড়নে শক্তিশালী নোটবুক হিসেবে আন্ড্রাবুকের চাহিদা বেড়েই চলেছে। আন্ড্রাবুক সিরিজের ল্যাপটপ সাধারণ ল্যাপটপ থেকে দেখতে আকর্ষণীয় ও হালকা। সংবাদ সম্মেলনে জানানো হয়, দেশে জেনবুকের অনেকগুলো মডেল পাওয়া যাবে। তবে শুরুটা হচ্ছে ইউএক্স৪১০ মডেল দিয়ে। এর বিশেষত্ব হচ্ছে ডিসপ্লের দুই পাশে ৬ মিলিমিটার ব্যাজেল রয়েছে। ফলে এর স্ক্রিন বডি অনুপাত ৮০ শতাংশ। মাত্র ১.৪ কেজি ওজনের এই জেনবুকে আরও থাকছে ১৪ ইঞ্চির ফুল এইচডি ডিসপ্লে। এতে ব্যাকলিট কিবোর্ড থাকায় কম আলোতেও নোটবুকটিতে টাইপ করা যাবে। ইউএক্স৪১০ মডেলের জেনবুকটি ৮ ঘণ্টা পর্যন্ত ব্যাটারি ব্যাকআপ দিতে সক্ষম। ফুল মেটাল বডির আন্ড্রাবুকটি ইন্টেলের সপ্তম প্রজন্মের কোরআই৩ বা কোরআই৫ দুটি প্রসেসর দিয়েই মিলবে। কোয়ার্টজ গ্রুপ আর গোল্ড দুটি আকর্ষণীয় রঙ থেকে ক্রেতারা তাদের নোটবুকটি পছন্দ করে নিতে পারবেন। জেনবুকের মোট ১২টি মডেল থেকে ক্রেতারা ইউএক্স সিরিজের ডিভাইস বেছে নিতে পারবেন। এই সিরিজের দাম শুরু হবে ৪৭ হাজার টাকা থেকে।

সংবাদ সম্মেলনে উপস্থিত ছিলেন আসুসের কান্ট্রি ম্যানেজার আল ফুয়াদ, আসুসের পরিবেশক

শেখ হাসিনার নামে পদ্মার চরে হাইটেক পার্ক হবে :

পলক



প্রধানমন্ত্রী শেখ হাসিনার নামে মাদারীপুর জেলার শিবচরের পদ্মার চরে হাইটেক পার্ক নির্মাণ করা হবে বলে জানিয়েছেন প্রতিমন্ত্রী জুনায়েদ আহমেদ

পলক। তিনি বলেন, পদ্মার চরের এই হাইটেক পার্কে সারা বিশ্বের তথ্যপ্রযুক্তি বিশেষজ্ঞরা এসে তথ্যপ্রযুক্তি নিয়ে গবেষণা করবেন। প্রতিমন্ত্রী সম্প্রতি মাদারীপুর জেলার শিবচর উপজেলা ও পৌর ছাত্রলীগের বার্ষিক সম্মেলনে এসব কথা বলেন। তিনি বলেন, ভবিষ্যৎ প্রজন্মকে প্রযুক্তি শিক্ষায় শিক্ষিত করে তুলতে সারাদেশে ১ লাখ ৭০ হাজার শিক্ষাপ্রতিষ্ঠানে ৪ কোটি ২৭ হাজার শিক্ষার্থীর জন্য সাড়ে ৫ হাজার শেখ রাসেল ডিজিটাল ল্যাব স্থাপন করা হয়েছে। এ ছাড়া শিগগিরই আরও ১৫ হাজার শেখ রাসেল ডিজিটাল ল্যাব স্থাপন করা হবে।

ফ্লোরা পিসির ডেস্কটপ কমপিউটার

বাংলাদেশের ডেস্কটপ কমপিউটার ব্র্যান্ড ‘ফ্লোরা পিসি’ বাজারে এনেছে ৭টি নতুন মডেলের ডেস্কটপ কমপিউটার। ভোক্তাদের প্রয়োজনের কথা মাথায় রেখে ষষ্ঠ ও চতুর্থ



প্রজন্মের প্রসেসর দিয়ে সাজানো হয়েছে নতুন মডেলগুলো। সাশ্রয়ী দামে মাত্র ২৩,৯০০ টাকায় ফ্লোরা পিসি

দিচ্ছে ডেস্কটপ কমপিউটার। দেশের অন্যতম শীর্ষ প্রযুক্তিপণ্যের প্রতিষ্ঠান ফ্লোরা লিমিটেড তাদের নিজস্ব ‘ফ্লোরা পিসি’ ব্র্যান্ডের ৫টি নতুন মডেলের হাই অ্যান্ড গেমিং পিসিও বাজারে এনেছে। প্রতিটি কমপিউটারেই রয়েছে তিন বছরের বিক্রয়োত্তর সেবা। এ ছাড়া পাওয়া যাচ্ছে ক্লাউড সুবিধায়ুক্ত বুক প্যাকেট বহনযোগ্য ইন্টেলের পোর্টেবল পিসি ‘কমপিউট স্টিক’। পিসিটি দৈর্ঘ্য ও প্রস্থে ৪ ইঞ্চি বাই ১.৫ ইঞ্চি এবং ০.৫ ইঞ্চি পুরু। ৩২ জিবি ধারণক্ষমতার দুটি ভিন্ন মডেলের ইন্টেল কমপিউট স্টিক পোর্টেবল পিসিটি দেখতে অনেকটা পেনড্রাইভের মতো।

ইন্টেলের বহনযোগ্য আরও একটি চমৎকার ডেস্কটপ পিসির ক্ষেত্রে রয়েছে ‘ইন্টেল এনইউসি’ (নেক্সট ইউনিট অব কমপিউটিং)। মাত্র ৪ বর্গইঞ্চি আকারের এই কমপিউটারটি মনিটর ও টিভির সাথে ব্যবহার করা যাবে। ষষ্ঠ প্রজন্মের কোরআই৩ প্রসেসরে এই পিসি পাওয়া যাচ্ছে। ডিভাইসটিতে আরও রয়েছে ওয়াইফাই, ইন্টেল ওয়াইডাই, দুটি করে ইউএসবি পোর্ট, মিনি এইচডিএমআই, ল্যানপোর্ট, এইচডি অডিও এবং লক সুবিধা। দেশব্যাপী ফ্লোরা লিমিটেডের সব শাখায় পাওয়া যাচ্ছে। আরও জানতে ভিজিট

এসার এনেছে সবচেয়ে স্লিম ল্যাপটপ

স্মার্ট টেকনোলজিস বাজারে এনেছে বিশ্বের সবচেয়ে স্লিম ল্যাপটপ এসার সুইফট সেভেন। অরিজিনাল উইন্ডোজ ১০ হোম অপারেটিং সিস্টেমসম্পন্ন এই ল্যাপটপে রয়েছে ইন্টেল কোরআই৭-৭৭০০ই৭৫ প্রসেসর, ১৩.৩ ইঞ্চি ফুল এইচডি আইপিএস ডিসপ্লে, ইন্টেল ৬১৫ মডেলের এইডি গ্রাফিক্স কার্ড, ৮ জিবি র‍্যাম, ২৫৬ জিবি



সলিড স্টেট ড্রাইভ, হাই ডেফিনিশন ক্যামেরা, এক মাসের মাইক্রোসফট অফিস ৩৬৫ ট্রায়াল, ওয়াইফাই ও ব্লুটুথ ট্রান্সফার সুবিধা। মাত্র ৯.৯৮ মিলিমিটার থিকনেসের ল্যাপটপটিতে থাকবে দুই বছরের বিক্রয়োত্তর সেবা। দাম ১,২৫,০০০ টাকা। যোগাযোগ: ০১৭৩০৩১৭৭৩২

দেশে বাঁশ দিয়ে তৈরি হলো মোবাইল টাওয়ার!



বাঁশের কাঠামো দিয়ে মোবাইল ফোনের জন্য টেলিযোগাযোগ টাওয়ার তৈরি করেছে ইডটকো গ্রুপ (ইডটকো)। ঢাকার উত্তরা এলাকার একটি বাড়ির ছাদে

পরীক্ষামূলকভাবে এই টাওয়ার স্থাপন করা হয়েছে। 'পরিবেশবান্ধব প্রযুক্তি' হিসেবে ইডটকো গ্রুপ নামে একটি প্রতিষ্ঠান এটি তৈরি করেছে। বাংলাদেশ প্রকৌশল বিশ্ববিদ্যালয়ের অধ্যাপক ড. সৈয়দ ইশতিয়াক আহমেদের নেতৃত্বে একটি দল ইম্পাতের বিকল্প হিসেবে অবকাঠামো নির্মাণের উপাদান হিসেবে বাঁশের ব্যবহারের ওপর গবেষণা করে।

গবেষণায় দেখা গেছে, কাঁচা বাঁশকে প্রক্রিয়াজাত করে এরকম টাওয়ার তৈরি করা সম্ভব এবং তা ২১০ কিলোমিটার পর্যন্ত বাতাসের গতি সহ্য করতে

এএমডির রেইজেন প্রসেসর ইউসিসি



ইউসিসি এএমডি ব্র্যান্ডের নতুন প্রসেসর রেইজেন বাজারে এনেছে। বর্তমানে এই সিরিজের আর৭১৮০০এক্স, আর৭১৭০০এক্স ও আর৭১৭০০ বাজারজাত করছে। এই প্রসেসরগুলো ৮ কোর ও ১৬ থ্রেডবিশিষ্ট, যা গেমিংয়ের জন্য উল্লেখযোগ্য ভূমিকা পালন করবে। এই প্রসেসর ১৪ এনএমের, যার এল২ ক্যাশ ৪ এমবি ও এল৩

বিসিএস কমপিউটার সিটিতে কমপিউটার মেলা

দেশের বৃহত্তম কমপিউটার মার্কেট আগারগাঁওয়ের আইডিবি ভবনের বিসিএস কমপিউটার সিটিতে বর্ণিল আয়োজনের মধ্য দিয়ে গত ৬ এপ্রিল থেকে শুরু হয়েছে 'সিটিআইটি ২০১৭



কমপিউটার মেলা'। মেলার উদ্বোধন করেন অর্থ ও পরিকল্পনা প্রতিমন্ত্রী এমএ মান্নান। উদ্বোধনী অনুষ্ঠানে উপস্থিত ছিলেন বাংলাদেশ অ্যাসোসিয়েশন অব সফটওয়্যার অ্যান্ড ইনফরমেশন সার্ভিসেসের (বিসিস) সভাপতি মোস্তাফা জব্বার, বাংলাদেশ কমপিউটার সমিতির (বিসিএস) মহাসচিব ইঞ্জিনিয়ার সুরত সরকার, সিটিআইটি কমপিউটার মেলার সমন্বয়ক মুসা কামাল মিহির, বিসিএস কমপিউটার সিটির ম্যানেজমেন্ট কমিটির ভারপ্রাপ্ত সভাপতি রফিকুল ইসলাম, স্মার্ট টেকনোলজির ম্যানেজিং ডিরেক্টর জহিরুল ইসলাম, রায়ানস কমপিউটার্স লিমিটেডের ব্যবস্থাপনা পরিচালক আহমেদ হাসানসহ অনেকে।

প্রধান অতিথি বলেন, অনেক সমস্যা সত্ত্বেও আমরা অনেক এগিয়েছি। এর কারণ, আমরা শুধু সম্মান নিয়ে পৃথিবীতে বসবাস করতে চাই, মাথা উঁচু করে দাঁড়াতে চাই। আমরা এখন যে ডিজিটাল বাংলাদেশ দেখছি, তা শুরুর পর্যায়ে রয়েছে। নতুন প্রজন্মকে আমি ধন্যবাদ জানাই। তারা জ্ঞানে-বিজ্ঞানে আমাদেরকে আরও অনেক দূরে নিয়ে যাবে। এ সময় তিনি প্রযুক্তিপণ্যের ওপর রাজস্ব নিয়ে সৃষ্ট সমস্যার সুনির্দিষ্ট সমাধান আসবে বলেও আশা ব্যক্ত করেন। ১৩ এপ্রিল পর্যন্ত চলবে এ মেলা।

লজিটেক তৈরি করল বাংলা কিবোর্ড

আন্তর্জাতিক ব্র্যান্ডের মাধ্যমে প্রথমবারের মতো পূর্ণাঙ্গ বাংলা কিবোর্ড 'লজিটেক কে-১২০' অবমুক্ত করল দেশের অন্যতম শীর্ষ প্রযুক্তিপণ্য প্রতিষ্ঠান কমপিউটার সোর্স। সম্প্রতি বঙ্গবন্ধু আন্তর্জাতিক সম্মেলন কেন্দ্রে বিজয় বাংলার সবশেষ সংস্করণের নকশায় বৈশ্বিক ব্র্যান্ডে এই বাংলা কিবোর্ড প্রকাশ করা হয়।



লজিটেক ব্র্যান্ডের বাংলা কিবোর্ডটির মোড়ক উন্মোচন করেন কমপিউটার সোর্সের ব্যবস্থাপনা পরিচালক মাহফুজুল আরিফ, বিজয় বাংলার রূপকার মোস্তাফা জব্বার এবং লজিটেকের ব্যবস্থাপনা পরিচালক (সার্ক ও ভারত) মনিন্দ্র জেইন। এ সময় উপস্থিত ছিলেন লজিটেক ভারত ও দক্ষিণ-পশ্চিম এশিয়া অঞ্চলের ক্লাস্টার ক্যাটাগরি বিভাগের প্রধান অশোক জান্থা, লজিটেক বাংলাদেশ ও ভূটান অঞ্চলের কান্ট্রি ম্যানেজার পার্থ ঘোষ, কমপিউটার সোর্সের পরিচালক এইউ খান জুয়েল ও আসিফ মাহমুদ।

মোড়ক উন্মোচন অনুষ্ঠানে স্বাগত বক্তব্যে আসিফ মাহমুদ বলেন, বাংলাভাষী মানুষের সংখ্যা পৃথিবীর অধিকাংশ ভাষার চেয়ে বেশি। বাংলাভাষীদের সুবিধার্থে কমপিউটার সোর্স বিশ্বের অন্যতম কিবোর্ড নির্মাতা প্রতিষ্ঠান লজিটেককে দিয়ে বাংলা কিবোর্ড প্রকাশের উদ্যোগ নিয়েছে। আগামীতেও প্রযুক্তির সাথে বাংলা ভাষার মিতালী রচনায় নতুন নতুন উদ্যোগে আমাদের প্রচেষ্টা অব্যাহত থাকবে।

টুইটারে যুক্ত হলো নতুন ফিচার



মাইক্রো ব্লগিং সাইট টুইটার সম্প্রতি একটি ঘোষণায় জানিয়েছে, নতুন আপডেটে টুইটার অ্যাকাউন্টের প্রোফাইল ছবিতে ডিফল্ট এগ অ্যাভাটার সরিয়ে নেয়া হয়েছে। আগে যারা প্রোফাইল ছবি দিতেন না, তারা প্রোফাইলে রঙিন ব্যাকগ্রাউন্ডে সাদা ওভাল দেখতে পেতেন। কিন্তু এখন সাদা ব্যাকগ্রাউন্ডে ধূসর একটি মাথার আকৃতি দেখা যাবে। টুইটার এক ব্লগ পোস্টে জানিয়েছে, এই পরিবর্তন ব্যবহারকারীদের তাদের নিজের ছবি আপলোডে উৎসাহিত করবে। এ ছাড়া এই পরিবর্তন পরিচয় গোপন করা ব্যবহারকারীদের হয়রানি, ট্রলিং ও বুলিয়িং থেকে মুক্তি দেবে। আর রঙিন ডিমের পরিবর্তে নতুন ডিফল্ট প্রোফাইল ছবিতে জেনেরিক, ইউনিভার্সাল, সিরিয়াস, আনব্র্যান্ডেড, টেম্পোরারি এবং

ওয়ালটন ল্যাপটপে বৈশাখী অফার



বাংলা পঞ্জিকার প্রথম মাস বৈশাখ উপলক্ষে ল্যাপটপে বিশেষ অফার দিচ্ছে দেশের শীর্ষ ইলেকট্রিক্যাল, ইলেকট্রনিক্স, আইসিটি পণ্য প্রস্তুতকারক ও বাজারজাতকারী প্রতিষ্ঠান ওয়ালটন। এই অফারের আওতায় ক্রেতারা নির্দিষ্ট মডেলের ওয়ালটন ল্যাপটপ কিনলেই উপহার হিসেবে পাচ্ছেন এলইডি টিভি ও স্মার্টফোন। অফার চলবে এপ্রিল মাস জুড়ে। ওয়ালটন, ইন্টেল, মাইক্রোসফট ও বিজয় বাংলার যৌথ সহযোগিতায় বাংলাদেশের বাজারে এনেছে ওয়ালটন ল্যাপটপ। পয়লা বৈশাখে ক্রেতাদের বিশেষ কিছু উপহার দিতেই ওয়ালটন

ল্যাপটপে 'বৈশাখী অফার' ঘোষণা করেছে কর্তৃপক্ষ।

এই অফারের আওতায় প্যাশন ও টেমারিস্ত সিরিজের কোরআই৫ প্রসেসরযুক্ত সব মডেলের ল্যাপটপ নগদ টাকায় কিনলে উপহার হিসেবে দেয়া হচ্ছে একটি করে ওয়ালটন স্মার্টফোন। প্যাশন ও টেমারিস্ত সিরিজের কোরআই৭ প্রসেসরযুক্ত সব মডেলের ল্যাপটপে উপহার পাওয়া যাচ্ছে ১৯ ইঞ্চি ওয়ালটন এলইডি টেলিভিশন অথবা ওয়ালটন স্মার্টফোন। আছে ক্যাশ ডিসকাউন্টের সুবিধাও।

মাল্টিটাস্কিং ও অত্যাধুনিক গেমিং সুবিধার ওয়াস্কজ্যাম্বু ও কেরোভা সিরিজের কোরআই৭ প্রসেসরযুক্ত ল্যাপটপ কিনলে উপহার মিলছে ২০ ইঞ্চি ওয়ালটন বুম বক্স এলইডি টেলিভিশন অথবা ওয়ালটন স্মার্টফোন। এই মডেলের ল্যাপটপ তিন মাসের কিস্তিতে কিনলেও নগদ মূল্য ও অফার প্রযোজ্য হবে। উপভোগ করা যাবে ডিসকাউন্টের সুবিধাও। আগারগাঁওয়ের আইডিবি ভবনের বিসিএস কমপিউটার সিটির ওয়ালটন প্লাজাসহ দেশের সব ওয়ালটন প্লাজা ও সেলস পয়েন্ট থেকে ল্যাপটপ ক্রয়ে বৈশাখী অফার পাওয়া যাবে। ১ এপ্রিল থেকে এ অফার শুরু হয়েছে, চলবে মাসজুড়ে। স্মার্ট ডিজাইন, আকর্ষণীয় কালার ও অত্যাধুনিক ফিচার সংবলিত চারটি সিরিজের মোট ২২টি মডেলের ওয়ালটন ল্যাপটপ বাজারে পাওয়া যাচ্ছে। এই চারটি সিরিজ হলো প্যাশন, টেমারিস্ত, কেরোভা ও ওয়াস্কজ্যাম্বু। এর মধ্যে প্যাশন সিরিজে রয়েছে ২৩ হাজার ৯৯০ টাকা থেকে শুরু করে ৫৫ হাজার ৫৫০ টাকা দামের ১০টি মডেলের ল্যাপটপ। টেমারিস্ত সিরিজের ১০টি মডেলের মধ্যে সর্বনিম্ন দাম ২২ হাজার ৯৯০ টাকা, সর্বোচ্চ ৫৫ হাজার টাকা। উচ্চগতির মাল্টিটাস্কিং সুবিধাসম্পন্ন কেরোভা ও ওয়াস্কজ্যাম্বু সিরিজের রয়েছে একটি করে মডেল। কেরোভা সিরিজের ল্যাপটপটির দাম ৭৯ হাজার ৫৫০ টাকা। ওয়াস্কজ্যাম্বু সিরিজের ল্যাপটপটির দাম ৮৯ হাজার ৫৫০ টাকা। সব ওয়ালটন ল্যাপটপেই থাকছে দুই বছরের ওয়ারেন্টি।

সারাদেশে ওয়ালটন প্লাজা ও সেলস পয়েন্ট থেকে ক্রেতারা সহজ শর্তে সর্বনিম্ন ৪ হাজার ৯৬৬ টাকা ডাউন পেমেণ্টে ১২ মাসের কিস্তিতে কিনতে পারবেন ওয়ালটন ল্যাপটপ। এ ছাড়া ল্যাপটপ ক্রয়ে শিক্ষার্থীদের জন্য থাকছে বিশেষ ছাড়।

নতুন মডেলের মাইক্রোম্যাক্স মোবাইল

গত ৮ মার্চ বাজারে এসেছে মাইক্রোম্যাক্স নতুন দুটি মোবাইল ফোন কিউ৩৮৬ ও কিউ৩৪৯। এ উপলক্ষে এক অনুষ্ঠান মাইক্রোম্যাক্স বাংলাদেশের একমাত্র পরিবেশক সোফেল টেলিকম লিমিটেডের কর্পোরেট অফিস নিকেতনে অনুষ্ঠিত হয়। অনুষ্ঠানে উপস্থিত ছিলেন বাংলাদেশে মাইক্রোম্যাক্সের একমাত্র



পরিবেশক সোফেল টেলিকম লিমিটেডের মহাব্যবস্থাপক সাকিব আরাফাত, মহাব্যবস্থাপক রিয়াজুল ইসলাম, স্থানীয় ডিস্ট্রিবিউটর পার্টনার মো: হাসান, মো: শমিরুজ্জামান, মো: আল-আমিন প্রমুখ। এ ছাড়া অনুষ্ঠানে প্রতিষ্ঠানদ্বয়ের উর্ধ্বতন কর্মকর্তারা উপস্থিত ছিলেন।

বাংলায় গুগল সার্চের 'নলেজ গ্রাফ' চালু



বাংলাভাষীদের সুবিধার জন্য নতুন তথ্য খুঁজে বের করতে বাংলায় 'নলেজ গ্রাফ' সুবিধা চালু করেছে সার্চ জায়ান্ট গুগল। গুগল সম্প্রতি এক ঘোষণায় জানিয়েছে, তাদের গুগল সার্চে বাংলা ভাষাভাষীদের আরও উন্নত অনুসন্ধান অভিজ্ঞতা দিতে নলেজ গ্রাফ চালু করেছে। এ ছাড়া গুগল অনুসন্ধান এখন থেকে বাংলা জিজ্ঞাসার জন্য বানান সংশোধন সমর্থন করবে বলেও জানিয়েছে। নলেজ সার্চ ব্যবহারকারীদের বস্তু, মানুষ ও স্থানের সর্বাধিক তথ্য দেয়। গুগল নলেজ গ্রাফের মাধ্যমে গুগল বিভিন্ন তথ্য সংগ্রহ করে একটি নির্দিষ্ট অংশে প্রদর্শন করে, যাতে ব্যবহারকারীর মূল তথ্যগুলো সার্চের মাধ্যমেই পেয়ে যায়। গুগলের নলেজ গ্রাফ বর্তমানে ৪১টি ভাষায় রয়েছে।

ইউসিসিকে ট্রান্সসেভ ব্র্যান্ডের পরিবেশক ঘোষণা

ঢাকার একটি অভিজাত হোটেলে গত ১৬ মার্চ ট্রান্সসেভ এক সংবাদ সম্মেলনের মাধ্যমে ইউসিসিকে বাংলাদেশের বাজারে তাদের পণ্যের একমাত্র পরিবেশক হিসেবে ঘোষণা দিয়েছে।



অনুষ্ঠানে ট্রান্সসেভের অ্যাকাউন্ট ম্যানেজার শ্যান ট্রান্সসেভের বিভিন্ন পণ্য ও ভবিষ্যৎ রোডম্যাপ সম্পর্কে বিস্তারিত তথ্য তুলে ধরেন। পাশাপাশি বাংলাদেশের বাজারে নতুন কিছু পণ্যের পরিচয় করিয়ে দেন। পণ্যগুলো হলো- বডি ক্যামেরা ড্রাইভ প্রো মডি৫২, এসএসডি২৩০এস, এসএসডি২২০এস, এক্সটারনাল স্টোরেজ স্টোর জেট ২.৫, ১ টেরাবাইট ও স্টোর জেট ১ টেরাবাইট ২৫সি৩।

জিভি এন৭১০ডি৩-১জিএল গ্রাফিক্স কার্ড

স্মার্ট টেকনোলজিস বাজারে এনেছে গিগাবাইট জিভি এন৭১০ডি৩-১জিএল মডেলের গ্রাফিক্স কার্ড। ৯৫৪ মেগাহার্টজ কোর ক্লক স্পিডসম্পন্ন এই গ্রাফিক্স কার্ডে রয়েছে ডিভিআই-ডি, ডি-সাব, এইচডিএমআই, পিসিআই এক্সপ্রেস বাস ইন্টারফেস ও ৬৪ বিট মেমরি ইন্টারফেস। এর আন্টা ডিউরেবল ২ ফিচারের কারণে এতে কম বিদ্যুৎ খরচ হয় ও ডিভাইস ঠাণ্ডা থাকে। রয়েছে

হুয়াওয়ে টি১ সিরিজের মিডিয়াপ্যাড

ইউসিসি বাজারে সরবরাহ করছে হুয়াওয়ে টি১ সিরিজের ৭.০ ইঞ্চি মিডিয়াপ্যাড। ট্যাবটিতে পাওয়া যাবে আইপিএস ডিসপ্লে, যার পিকচার রেজুলেশন ১০২৪ বাই ৬০০ পিক্সেল। কোয়াডকোর ১.২ গিগাহার্টজ প্রসেসরের এই ট্যাবে থাকবে ওয়াইফাই ডাটা কানেকশন ও উচ্চগতির থ্রিজি ইন্টারনেট সুবিধা, ফ্রন্ট ও রিয়ার ২ মেগা পিক্সেল ক্যামেরা, ১ জিবি ও ৮ জিবি রম। ৪১০০ মিলি অ্যাম্পিয়ার ব্যাটারি, ওজন মাত্র ২৭৮ গ্রাম। অ্যান্ড্রয়ড ৪.৪ কিটক্যাট ভার্সন অপারেটিং সিস্টেমের সাথে পাওয়া যাবে ইমোশন ইউ ১ ৩.০ ফিচার। যোগাযোগ : ০১৮৩৩৩৩১৬০১।

ওয়ালটন কারখানা পরিদর্শনে ট্যারিফ কমিশন চেয়ারম্যান

‘ওয়ালটন কারখানা- এককথায় চমৎকার। এখানে অত্যাধুনিক প্রযুক্তি ও মেশিনারিজের সমন্বয়ে ফ্রিজ, এসি, টিভির মতো অসংখ্য প্রযুক্তিপণ্য তৈরি হচ্ছে। এসব দেখে একজন ক্রেতা হিসেবেও আমি গর্বিত।’ কথাগুলো বলেছেন ট্যারিফ কমিশনের চেয়ারম্যান ও বাণিজ্য মন্ত্রণালয়ের সিনিয়র সচিব মুশফেকা ইকফাৎ।



গত ১২ মার্চ গাজীপুরের চন্দ্রায় ওয়ালটন কারখানা কমপ্লেক্স পরিদর্শন করেন মুশফেকা ইকফাৎ। এ সময় তার সফরসঙ্গী ছিলেন ট্যারিফ কমিশনের সদস্য মো: আবদুল কাইয়ুম, যুগ্ম প্রধান শেখ লিয়াকত আলী, উপ-প্রধান ও চেয়ারম্যানের একান্ত সচিব মোহাম্মদ নজরুল ইসলাম এবং অভিনেতা মীর সাক্বির। এ সময় তাদের ফুল দিয়ে শুভেচ্ছা জানান ওয়ালটন হাইটেক ইন্ডাস্ট্রিজ লিমিটেডের ব্যবস্থাপনা পরিচালক এসএম আশরাফুল আলম। এ সময় উপস্থিত ছিলেন ওয়ালটন গ্রুপের নির্বাহী পরিচালক আবুল বাশার হাওলাদার, সিরাজুল ইসলাম, আশরাফুল আশিয়া, সিনিয়র অপারেটিভ ডিরেক্টর উদয় হাকিম,

ফের আইএসপিএবি সভাপতি আমিনুল হাকিম

আবারও আইএসপিএবি (ইন্টারনেট সার্ভিস প্রোভাইডার্স অ্যাসোসিয়েশন অব বাংলাদেশ) সভাপতি নির্বাচিত হয়েছেন অ্যামবার আইটি লিমিটেডের প্রধান নির্বাহী আমিনুল হাকিম। গত ৪ এপ্রিল সব প্রক্রিয়া শেষে তাকে চূড়ান্তভাবে নির্বাচিত করা হয়। এ নিয়ে টানা দ্বিতীয়বারের মতো তিনি সংগঠনটির কর্ণধারের দায়িত্ব পেলেন। সংগঠনের পক্ষ থেকে প্রেস বিজ্ঞপ্তির মাধ্যমে বিষয়টি নিশ্চিত করা হয়েছে। আইএসপিএবি হলো বাংলাদেশের ইন্টারনেট ব্যবসায়ীদের শীর্ষ সংগঠন। অন্যদিকে সংগঠনটির সাধারণ সম্পাদক নির্বাচিত হয়েছেন অপটিমাক্স কমিউনিকেশন লিমিটেডের এমদাদুল হক। জানা গেছে, গত ২৮ মার্চ সংগঠনের দ্বিবার্ষিক নির্বাচনে কার্যনির্বাহী পরিষদের ৭ সদস্য বিনা প্রতিদ্বন্দ্বিতায় নির্বাচিত হন। নির্বাচন বোর্ডের নেতৃত্ব দেন আবদুর রাজ্জাক। পরে সভাপতি ও সাধারণ সম্পাদকসহ অন্যান্য পদ চূড়ান্ত করে ৪ এপ্রিল ফল ঘোষণা করা হয়। কমিটির অন্য সদস্যরা হলেন সহ-সভাপতি লিঙ্ক প্রি টেকনোলজিস লিমিটেডের এফএম রাশেদ আমিন, সহ-সাধারণ সম্পাদক মেট্রোনেট বাংলাদেশ লিমিটেডের মঈন উদ্দিন আহমেদ, কোষাধ্যক্ষ আলো কমিউনিকেশনস লিমিটেডের সুব্রত সরকার শুভ্র এবং পরিচালক নির্বাচিত হয়েছেন এডিএন টেলিকম লিমিটেডের



আমিনুল হাকিম

এমদাদুল হক

একসাথে কাজ করবে এটুআই ও ব্র্যাক

প্ ধান ম স্ত্রী র কার্যালয়ের এসএসএফ ব্রিফিং রুমে সাধারণ শিক্ষার সাথে কারিগরি ও বৃত্তিমূলক প্রশিক্ষণ সমন্বয়ের লক্ষ্যে অ্যাক্সেস টু ইনফরমেশন (এটুআই) প্রোগ্রাম ও ব্র্যাকের মধ্যে একটি



সমঝোতা স্মারক স্বাক্ষর হয়। প্রধানমন্ত্রীর কার্যালয়ের মহাপরিচালক (প্রশাসন) ও এটুআই প্রোগ্রামের প্রকল্প পরিচালক কবির বিন আনোয়ার এবং ব্র্যাকের সিনিয়র পরিচালক (স্ট্র্যাটেজি, কমিউনিকেশন ও এমপাওয়ারমেন্ট) আসিফ সালেহ নিজ নিজ প্রতিষ্ঠানের পক্ষে সমঝোতা স্মারক স্বাক্ষর করেন। সমঝোতা স্মারকের আওতায় এটুআই প্রোগ্রাম ও ব্র্যাক যৌথভাবে নবম-দশম শ্রেণির দুর্বল

ইউসিসিতে ডি-লিঙ্কের পণ্য

ইউসিসি বাজারজাত করছে ডি-লিঙ্ক ব্র্যান্ডের সুইচ, মডেম, রাউটার ও অ্যাডাপ্টার। ডি-লিঙ্ক ব্র্যান্ডের উল্লেখযোগ্য বৈশিষ্ট্য হিসেবে ক্রেতা সর্বোচ্চ তিন বছরের ওয়ারেন্টি সুবিধা পাবেন। যোগাযোগ : ০১৮৩৩৩৩১৬৩২

ই-ক্যাবের উদ্যোগে ই-কমার্স দিবস পালন

বাংলাদেশের আপামর জনসাধারণকে ই-কমার্স সম্পর্কে সচেতন করতে এবং অনলাইনে কেনাকাটাকে জনপ্রিয় করে তোলার লক্ষ্যে বাংলাদেশে ই-কমার্স দিবস উদযাপন করেছে ই-কমার্স অ্যাসোসিয়েশন অব বাংলাদেশ (ই-ক্যাব)। উল্লেখ্য, ই-ক্যাব ২০১৫ সালের ৭ এপ্রিল প্রথমবারের মতো বাংলাদেশে ই-কমার্স



দিবস উদযাপন করে। অনলাইনে কেনাকাটাকে উৎসাহী করতে ই-কমার্স কোম্পানিগুলো বিভিন্ন অফার ও ছাড়ের মাধ্যমে অনলাইনে ই-কমার্স দিবস উদযাপন করে। ই-ক্যাব ৭ থেকে ১৪ এপ্রিল পর্যন্ত ই-ক্যাবের সদস্যদেরকে ই-কমার্স দিবস উপলক্ষে বিভিন্ন অফার ও ছাড় দেয়ার জন্য আহ্বান জানায়। বিস্তারিত : facebook.com/groups/eeCAB।

ই-কমার্স দিবস উপলক্ষে ই-ক্যাব সাধারণ সম্পাদক মো: আবদুল ওয়াহেদ তমাল বলেন, বাংলাদেশের ই-কমার্স ধীরে ধীরে এগিয়ে যাচ্ছে। শুরুর দিকের তুলনায় এখন অনেক বেশি মানুষ অনলাইনে কেনাকাটা করছে।

ভিউসনিক ব্র্যান্ডের প্রজেক্টর

ইউসিসি বাজারজাত করছে বিশ্বখ্যাত ভিউসনিক ব্র্যান্ডের প্রজেক্টর। বর্তমানে তিনটি সিরিজের সর্বমোট ৮টি মডেলের প্রজেক্টর বাজারে সরবরাহ করছে ইউসিসি। তিনটি সিরিজের মধ্যে পিজিডি সিরিজের প্রজেক্টরগুলো ৮০০ বাই ৬০০ থেকে

১৯২০ বাই ১০৮০ রেজুলেশন এবং ৩২০০ লুমেনবিশিষ্ট। প্রো সিরিজের প্রজেক্টরগুলো ১০২৪ বাই ৭৬৮ থেকে ৫২০০ লুমেনবিশিষ্ট। এলএস সিরিজের প্রজেক্টরগুলো ১৯২০ বাই ১০৮০ রেজুলেশন এবং ৩৫০০ থেকে ৪৫০০ লুমেনবিশিষ্ট। যোগাযোগ : ০১৮৩৩৩৩১৬৩১।

আইভোমি ব্র্যান্ডের স্পিকার

দেশের বাজারে আইভোমি ব্র্যান্ডের স্পিকার বাজারজাত করছে ইউসিসি। এগুলো হলো- আইভিও-২৪৫, আইভিও-২৫৮, আইভিও-১৬৩০-ইউ, আইভিও-১৬১০ইউ এবং আইভিও-১৬০০এস। প্রথম তিনটির বৈশিষ্ট্য হলো এলইডি ডিসপ্লে, রিমোট কন্ট্রোল এবং ইউএসবি/এসডি স্লট ও এফএম ফাউন্ডেশন সাপোর্টেড। শেষ মডেলের স্পিকার দুটি ইউএসবি কার্ড রিডার ও রিমোট কন্ট্রোল সাপোর্টেড।

স্প্লিট স্ক্রিন সুবিধার ফোন এনেছে ওয়ালটন



ওয়ালটন এবার বাজারে এনেছে স্প্লিট (বিভক্ত) স্ক্রিন সুবিধাযুক্ত নতুন ফোন 'প্রিমো এস৫'। এই স্মার্টফোনের আকর্ষণীয় দিক হচ্ছে স্প্লিট স্ক্রিন। এই ফিচারের

মাধ্যমে আঙুলের ছোঁয়ায় নিচ থেকে ওপরের দিকে টেনে স্ক্রিন দুই অংশে ভাগ করা যাবে। ফলে স্ক্রিনের দুই অংশে একই সাথে দুটি অ্যাপস চলবে। ৫.৫ ইঞ্চির এইচডি আইপিএস ডিসপ্লে ও ২.৫ডি বাকানো স্ক্রিন হওয়ায় এস৫-এ পাওয়া যাবে আরও জীবন্ত ছবি। এতে আছে উঁচু ক্ষমতার ৬৪ বিটসম্পন্ন ১.৫ গিগাহার্টজ গতির কোয়াড কোর প্রসেসর। রয়েছে দ্রুতগতির ৩ জিবি ডিডিআর৩ র্যাম। গ্রাফিক্স হিসেবে মালি টি-৭২০ ব্যবহার করায় গেমিং হবে রোমাঞ্চকর। এতে রয়েছে ৩২ জিবি ইন্টারনাল মেমরি। ফলে অনেক বেশি ভিডিও, ছবি, মিউজিক, অ্যাপসসহ অসংখ্য ফাইল সংরক্ষণ করা যাবে। এ ছাড়া স্মার্টফোনটি ১২৮ জিবি পর্যন্ত বর্ধিত মেমরি সাপোর্ট করবে। রয়েছে অটোফোকাস ও এলইডি ফ্ল্যাশ সুবিধাসহ বিএসআই সেন্সরযুক্ত ১৩ মেগাপিক্সেল রিয়ার ক্যামেরা, যার অ্যাপারচার সাইজ এফ২.২। পেছনের ক্যামেরায় ফুল এইচডি (১০৮০ বাই ১৯২০) মোডে ভিডিও করা যাবে। সাথে পাওয়া যাবে ফেস ডিটেকশন, ডিজিটাল জুম, সেলফ টাইমার, অটো ফোকাস, টাচ শট, শার্টার স্পিড কন্ট্রোল, ম্যানুয়াল ফোকাসিং সুবিধা। এস৫ স্মার্টফোনের দাম মাত্র ১৪ হাজার ৯৯০ টাকা। আকর্ষণীয় ডিজাইনের স্মার্টফোনটি ব্লু ও গোল্ডেন রঙে পাওয়া যাচ্ছে। দেশের সব ওয়ালটন প্লাজা ও ব্র্যান্ডেড আউটলেটে শূন্য শতাংশ ইন্টারেস্টে ৬ মাসের ইএমআই সুবিধায় কেনা যাচ্ছে সব মডেলের ওয়ালটন স্মার্টফোন। একই সাথে ১২ মাসের

এমএসআই এনেছে এমএমডি রাইজেন মাদারবোর্ড



ইউসিসি বাজারজাত করছে এমএসআইয়ের নতুন এক্স৩৭০ ও বি৩৫০ সিরিজের মাদারবোর্ড। মাদারবোর্ডগুলো এমএমডি রাইজেন প্রসেসরে ব্যবহার উপযোগী, যেখানে পাওয়া যাবে ডিডিআর৪ র্যাম ব্যবহারের সুবিধা। মাদারবোর্ডগুলোতে আরও ব্যবহার করা হয়েছে ম্যাসটিক লাইট, ম্যাসটিক লাইট সিক্স, টার্বো এম২, এম২ শিল্ড জেস লাইটিং এস, ওয়াই৩.১ জেন২। বর্তমানে এক্স ৩৭০ সিরিজের এক্স ৩৭০ এক্স পাওয়ার গেমিং টাইটেনিয়াম, এক্স ৩৭০ গেমিং প্রো কার্বন, এক্স ৩৭০ এসএলআই প্লাস এবং বি৩৫০ সিরিজের বি৩৫০ তমাহক, বি৩৫০ মর্টার ও বি৩৫০ গেমিং প্রো মাদারবোর্ডগুলো

আজকের ডিলের ব্র্যান্ড অ্যাশাসাডর তাহসান

জনপ্রিয় গায়ক ও অভিনেতা তাহসান আজকের ডিলের ব্র্যান্ড অ্যাশাসাডর হিসেবে কাজ শুরু করেছেন। দেশে অনলাইন শপিংকে জনপ্রিয় করা এবং অনলাইন কেনাকাটা সম্পর্কে ক্রেতাদের আস্থা বাড়ানোর ব্যাপারে আজকের ডিলের হয়ে



কাজ করবেন তাহসান। দুই হাজারের বেশি বিক্রেতা নিয়ে আজকের ডিল (www.AjkerDeal.com) দেশের সবচেয়ে বড় ও জনপ্রিয় মার্কেটপ্লেস। বর্তমানে এক লাখেরও বেশি প্রোডাক্ট এই মার্কেটপ্লেসে বিক্রি হচ্ছে। দেশের যেকোনো প্রান্ত থেকে যেকোনো অনলাইনে আজকের ডিলে অর্ডার দিলে সর্বোচ্চ পাঁচ দিনে (চাকার ভেতরে দুই দিন) হাতে পেয়ে যাবেন যেকোনো প্রোডাক্ট। কোনো কারণে প্রোডাক্ট পছন্দ না হলে আছে 'ফ্রি' রিটার্ন সুবিধা। ফ্যাশন, লাইফ স্টাইল, মোবাইল, ইলেকট্রনিক্স, ঘর সাজানোর জিনিস, গ্যাজেটসহ একশ'র বেশি প্রোডাক্ট ক্যাটাগরি আছে এই অনলাইন মার্কেটপ্লেসে।

গত ৫ এপ্রিল আজকের ডিলের ব্র্যান্ড অ্যাশাসাডর হিসেবে তাহসান আনুষ্ঠানিকভাবে কাজ শুরু করেছেন। এ উপলক্ষে আজকের ডিলের কার্যালয়ে এক অনুষ্ঠানের আয়োজন করা হয়। অনুষ্ঠানে

গ্লোবাল পরিবারে যুক্ত হলো শার্প

সম্প্রতি বিখ্যাত জাপানিজ ব্র্যান্ড শার্প ও গ্লোবাল ব্র্যান্ডের মধ্যে একটি চুক্তি স্বাক্ষর হয়। যার মধ্য দিয়ে গ্লোবাল ব্র্যান্ড বাংলাদেশের বাজারে শার্পের পরিবেশক হওয়ার গৌরব অর্জন করল। সম্প্রতি শার্প-রিসি সেলস



সিঙ্গাপুর ও ম্যানুফেকচারিং কোম্পানি শার্প থাইল্যান্ডের ব্যান্ডকে এক অনাড়ম্বর অনুষ্ঠানের মাধ্যমে শার্প ও গ্লোবাল ব্র্যান্ডের মধ্যে এ চুক্তি স্বাক্ষর হয়, যেখানে উপস্থিত ছিলেন সিয়েহারু মায়েহারা, ম্যানেজিং ডিরেক্টর, শার্প ম্যানুফেকচারিং, থাইল্যান্ড এবং এশিয়া প্যাসিফিক, মিডল-ইস্ট ও আফ্রিকার সেলস এবং মার্কেটিং ইউনিটের জেনারেল ম্যানেজার সিনজি মিনাতোগোওয়া। গ্লোবাল ব্র্যান্ডের পক্ষে উপস্থিত ছিলেন কোম্পানির চেয়ারম্যান আবদুল ফাতাহ, ডিরেক্টর জসিম উদ্দিন খন্দকার ও আসাদুজ্জামান, বিজনেস হেড, শার্প। মূলত শার্পের পরিবেশক হিসেবে গ্লোবাল ব্র্যান্ড শার্পের অফিস ইকুইপমেন্ট যেমন- ফটোকপিয়ার, ইন্টারেক্টিভ হোয়াইট বোর্ড, ভিডিও ওয়াল, ইলেকট্রনিক ক্যাশ রেজিস্টার এসব পণ্যের বিক্রি ও বিক্রয়োত্তর সেবা দেবে। এই পণ্যগুলো পাওয়া যাচ্ছে গ্লোবাল

প্রোগ্রামিং কনটেন্টের বিশ্ব র্যাঙ্কিংয়ে ষষ্ঠ ডিআইইউ



সম্প্রতি প্রকাশিত উরি অনলাইন জাজ ওয়েবসাইটে 'প্রোগ্রামিং কনটেন্ট র্যাঙ্কিং' প্রকাশ করা হয়। এতে ডিআইইউর ১১ হাজার ৬৫ শিক্ষার্থী ও প্রোগ্রাম সমাধানকারী ৩৯ হাজার ৮১৮টি সমস্যা সমাধান করায় বিশ্বতালিকায় সেরা দেশের মধ্যে উঠে এসেছে ডিআইইউ। এ প্রতিযোগিতায় বাংলাদেশ থেকে অংশ নেয়া অন্যান্য বিশ্ববিদ্যালয়ের মধ্যে ঢাকা বিশ্ববিদ্যালয় ৪৭তম ও বাংলাদেশ প্রকৌশল বিশ্ববিদ্যালয় (বুয়েট) রয়েছে ১০২তম অবস্থানে। উরি অনলাইন জাজ ওয়েবসাইট থেকে আরও জানা যায়, এই তালিকায় প্রথম থেকে পঞ্চম পর্যন্ত পাঁচটি শীর্ষস্থান দখলে রেখেছে ব্রাজিলের পাঁচটি বিশ্ববিদ্যালয়। প্রথম অবস্থানে রয়েছে ইউনিভার্সিটি ফেডারেল দ্য ইতাজুবা, দ্বিতীয় ইনস্টিটিউট ন্যাশনাল দ্য টেলিকমিউনিকেশন, তৃতীয় ইউনিভার্সিটি ফেডারেল দ্য ইউবারল্যান্ডিয়া, চতুর্থ ফেডারেল ইনস্টিটিউট অব এডুকেশন সায়েন্স অ্যান্ড টেকনোলজি ও পঞ্চম অবস্থানে রয়েছে

যুক্তরাষ্ট্রের উরি অনলাইন জাজ (URI Online Judge) কর্তৃক প্রকাশিত বিশ্বের মর্যাদাপূর্ণ প্রফেশনাল কমপিউটার প্রোগ্রামিং সমাধান সূচকে সারা পৃথিবীর মধ্যে ষষ্ঠস্থান অধিকার করেছে বাংলাদেশের ড্যাফোডিল ইন্টারন্যাশনাল ইউনিভার্সিটি (ডিআইইউ)।

কিউন্যাপ অল ফ্ল্যাশ স্টোরেজ ডিভাইস

গ্লোবাল ব্র্যান্ড প্রাইভেট লিমিটেড বাজারে এনেছে কিউন্যাপ ব্র্যান্ডের নতুন অল ফ্ল্যাশ স্টোরেজ ডিভাইস। কিউন্যাপ স্টোরেজের এই সিরিজের নাম টিইএসএক্স-৮৫। এই সিরিজের দুটি মডেল রয়েছে। প্রথমটি টিইএস১৮৮৫ইউ



(১৮ টিএইচডিডি), দ্বিতীয়টি টিইএস৩০৮৫ইউ (৩০ টিএইচডিডি)। এই দুটি মডেলে রয়েছে ১২ জিবি/সেকেন্ড সাস কন্ট্রোলার। উভয় মডেল ১৪ ন্যানোমিটার ইন্টেল জি৩ন (৬ কোর/৮ কোর) ডি-সক প্রসেসরচালিত। এই মডেলটি অল ফ্ল্যাশ স্টোরেজ ও হাই পারফরম্যান্স কাজ সাধনের জন্য রিকোমেণ্ডেড। যোগাযোগ : ০১৯৬৯৬৩০৭২

থার্মালটেক ব্র্যান্ডের ভার্সি এন২১ কেসিং



ইউসিসি বাজারে এনেছে থার্মালটেক ব্র্যান্ডের ভার্সি এন২১ কেসিং। মিদ টাওয়ার লেভেল এই গেমিং কেসিং পাওয়া যাবে গেমারদের ক্রয়ক্ষমতার মধ্যে। এর গ্রাসি ব্ল্যাক ফ্রন্ট টপ প্যানেল দেবে স্টাইলিশ ইমেজ ও হাই ফুট

স্ট্যান্ড ক্যাসিংটির বাতাস চলাচল সাহায্য করবে। এর টুল ফ্রি ইন্টেরিয়র ডিজাইন ও হিডেন আই/ও পোর্টস কেসিংটিকে করেছে আকর্ষণীয়। এতে রয়েছে ধূলা ফিল্টারিং সিস্টেম, যা কেসিংয়ের ভেতর পরিষ্কার রাখতে সাহায্য করবে। এ ছাড়া এতে থাকছে তিনটি ১২০এমএম বিল্টইন ফ্যান, ক্যাবল ম্যানেজমেন্ট। স্ট্যান্ডার্ড এটিএক্স মাদারবোর্ড ও ১৬০ এমএম সাইজের সিপিইউ কুলারসহ ২৫০ এমএম গ্রাফিক্স কার্ড সহজেই স্থাপনের মতো প্রশস্ত জায়গা। যোগাযোগ :

লেনোভো ফ্যাব ২ বাজারে



স্মার্ট টেকনোলজিস বাজারে নিয়ে এসেছে লেনোভো ব্র্যান্ডের ফ্যাব টু মডেলের নতুন ফ্যাবলেট। ৬.৪ ইঞ্চি আকৃতির এই ফ্যাবলেটে রয়েছে ৩২ জিবি রম, ৩ জিবি র‍্যাম, ১৩ মেগাপিক্সেল ব্যাক ক্যামেরা, ৫ মেগাপিক্সেল ফ্রন্ট ক্যামেরা ও ডলবি সাউন্ড।

অ্যান্ড্রয়েড ৬.০ মার্শমেলো অপারেটিং সিস্টেমসহ রয়েছে মিডিয়াটেক এমটি৮৭৩৫ চিপসেট। দীর্ঘ সময় পর্যন্ত ব্যবহারের জন্য এই ফ্যাবলেটে ব্যবহার হয়েছে ৪০৫০ মিলি অ্যাম্পিয়ার ব্যাটারি। এক বছরের বিক্রয়োত্তর সেবাসহ দাম ১৬,৯৯৯ টাকা। যোগাযোগ : ০১৭৩০৩১৭৭৬৫

এইচপির নতুন বিজনেস সিরিজ ল্যাপটপ



স্মার্ট টেকনোলজিস বাজারে এনেছে এইচপি ব্র্যান্ডের ৩৪৮ জি৪ সিরিজের নতুন

কোরআই৫ ল্যাপটপ। ইন্টেল সপ্তম প্রজন্মের প্রসেসরসম্পন্ন বিজনেস সিরিজের ল্যাপটপটিতে রয়েছে ৪ জিবি ডিডিআর ফোর র‍্যাম, ১৪.১ ইঞ্চি ফুল এইচডি এন্টিগ্লেরার ডিসপ্লে, চারটি ইউএসবি ৩.০ পোর্ট, ডিভিডি রাইটার, ব্লুটুথ, গিগাবিট ল্যান, এইচডিএমআই ও ভিজিএ পোর্ট, ওয়াইফাই ও ফিঙ্গারপ্রিন্ট। দুই বছরের বিক্রয়োত্তর সেবাসহ ল্যাপটপটির দাম ৪৬,৫০০ টাকা। এই সিরিজের ল্যাপটপে সবচেয়ে আকর্ষণীয় ফিচার এর ৭২০০

‘আসুস সুপার স্প্রিং’ অফার

বিশ্বখ্যাত তাইওয়ানিজ ইলেকট্রনিক ব্র্যান্ড আসুস এই বসন্তকে কেন্দ্র করে দেশের বাজারে নিয়ে এলো ‘আসুস সুপার স্প্রিং’ অফার। এই অফারের আওতায় আসুসের যেকোনো নোটবুক কিনে



ক্রেতারা পাচ্ছেন একটি করে স্ক্র্যাচকার্ড। স্ক্র্যাচকার্ড ঘষেই ক্রেতারা পাবেন এসি, রেফ্রিজারেটর, রাউটার, আসুস জেনফোন, জিম-ব্যাগ ও টি-শার্টসহ অনেক আকর্ষণীয় উপহার। ‘আসুস সুপার স্প্রিং’ অফারটি চলবে মাস জুড়ে। আসুস বাংলাদেশের একমাত্র পরিবেশক গোবাল ব্র্যান্ড প্রাইভেট লিমিটেড। অফারটি সম্পর্কে বিস্তারিত জানা যাবে

এমএসআই জিফোর্স জিটিএক্স গ্রাফিক্স কার্ড



ইউসিসি সম্প্রতি বাজারজাত করেছে এমএসআই ব্র্যান্ডের নতুন গেমিং এক্স সিরিজের গ্রাফিক্স কার্ড জিটিএক্স ১০৮০, ১০৭০ ও ১০৬০।

এই সিরিজের নতুন টরএক্স ২.০ ফ্যান আকারে ছোট ও মজবুত, যা শব্দহীন। ১০৮০-এর ৮জি সংস্করণ জিডিডিআরএক্স, ১০৭০-এর ৮জি সংস্করণ জিডিডিআরএক্স ও ১০৬০-এর ৬জি সংস্করণ জিডিডিআরএক্স মেমরিতে প্রস্তুত, যা পরবর্তী প্রজন্মের ক্রমবর্ধমান চাহিদা পূরণের জন্য হাই ডেফিনিশন কন্ট্রোল দিয়ে সজ্জিত। ২ ওয়ে এসএলআই সাপোর্টেড এই কার্ডগুলো সর্বোচ্চ চারটি ডিসপ্লে আউটপুট হিসেবে পাওয়া যাবে। যোগাযোগ : ০১৮৩৩৩৩১৬০১

এনটিএমসির পরিচালক হলেন ব্রিগেডিয়ার জেনারেল জিয়া



জাতীয় গোয়েন্দা সংস্থার (এনএসআই) পরিচালক ব্রিগেডিয়ার জেনারেল জিয়াউল আহসানকে ন্যাশনাল টেলিকমিউনিকেশন মনিটরিং সেন্টারের (এনটিএমসি) পরিচালক হিসেবে বদলি করা

হয়েছে। সম্প্রতি রাষ্ট্রপতির আদেশক্রমে জনপ্রশাসন মন্ত্রণালয়ের উপ-সচিব মু. জসীম উদ্দিন খান স্বাক্ষরিত এক নির্দেশনায় এই বদলি করা হয়। এনএসআইয়ের পরিচালকের আগে ব্রিগেডিয়ার জেনারেল জিয়াউল আহসান ছিলেন র‍্যাবের অতিরিক্ত মহাপরিচালক

স্মার্টফোন বিক্রিতে শীর্ষে স্যামসাং, দ্বিতীয় অ্যাপল

গ্যালাক্সি নোট ৭-এর ভরাডুবি পরও ২০১৬ সালে সবচেয়ে বেশি স্মার্টফোন বিক্রি করেছে দক্ষিণ কোরিয়ান স্মার্টফোন নির্মাতা স্যামসাং। ৩০৯ দশমিক ৪ মিলিয়ন ইউনিট ফোন বিক্রি করেছে প্রতিষ্ঠানটি। তবে মুনাফায় পিছিয়ে রয়েছে স্যামসাং। জরিপবিষয়ক প্রতিষ্ঠান স্ট্র্যাটেজি অ্যানালাইটিকের তথ্যে উঠে এসেছে এই চিত্র। ফোন বিক্রির দিক থেকে দ্বিতীয় অবস্থানে রয়েছে মার্কিন প্রতিষ্ঠান অ্যাপল। গত বছর ২১৫ দশমিক ৪ মিলিয়ন আইফোন বিক্রি করে প্রতিষ্ঠানটি। ১৩৮ দশমিক ৮ মিলিয়ন ফোন বিক্রি করে তৃতীয় অবস্থানে রয়েছে হুয়াওয়ে। ৪৬ দশমিক ৪ মিলিয়ন ইউনিট ফোন বিক্রি করে এরপর রয়েছে চীনের অ্যাপল খ্যাতি শাওমি। এদিকে অগ্নো ৮৪ দশমিক ৬ মিলিয়ন, ভিভো ৭১ দশমিক ৯ মিলিয়ন ইউনিট স্মার্টফোন বিক্রি করেছে। দ্বিতীয় অবস্থানে থাকলেও মুনাফায় শীর্ষে রয়েছে অ্যাপল। গেল বছর বিশ্ব ফোনের বাজারের প্রায় ৮০ শতাংশ মুনাফা অর্জন করেছে অ্যাপল, যা ৫৩ দশমিক ৭ বিলিয়ন মার্কিন ডলার। স্মার্টফোন বিক্রি করে একই সময় স্যামসাং আয় করেছে মাত্র ৮ দশমিক ৩ বিলিয়ন

জোটেক জিফোর্স জিটিএক্স গ্রাফিক্স কার্ড



ইউসিসি সম্প্রতি বাজারজাত করেছে জোটেক ব্র্যান্ডের নতুন গ্রাফিক্স কার্ড জিটিএক্স ১০৮০। সম্পূর্ণ নতুন

প্রযুক্তির ও উঁচু ক্ষমতাসম্পন্ন গ্রাফিক্স উঁচু মানের গেমিংয়ের জন্য পরিকল্পিত কার্ড। এর ৮ জিবি সংস্করণ জিডিডিআরএক্স মেমরিতে প্রস্তুত, যা পরবর্তী প্রজন্মের ক্রমবর্ধমান চাহিদা পূরণের জন্য হাই ডেফিনিশন কনটেন্ট দিয়ে সজ্জিত। এই কার্ডগুলোর মেমরি ক্লকস্পিড ১০০১০ মোডে পাওয়া যাবে। কার্ডগুলোর বেজ ক্লক ১৭৩৩ থেকে ১৬০৭ মেগাহার্টজ পর্যন্ত বুস্ট করা যায়। ২ ওয়ে এসএলআই সাপোর্টেড এই কার্ডগুলোর ম্যাক্সিমাম চারটি ডিসপ্লে আউটপুট হিসেবে পাওয়া যাবে। যোগাযোগ : ০১৮৩৩৩৩১৬০১